

Na osnovu člana 16. stav 2. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10) i Odluke o privremenom finansiranju Zeničko-dobojskog kantona za period januar-mart 2012. godine („Službene novine Zeničko-dobojskog kantona”, broj: 17/11), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na nastavku 49. sjednice, održanom 01.02.2012. godine,
d o n o s i

O D L U K U

o odobravanju sredstava za implementaciju projekta „Izgradnja zgrade Dnevnog centra za djecu i odrasle osobe sa posebnim potrebama u Visokom“

Član 1.

(Predmet)

Odobravaju se sredstva Udruženju „Humanost-societas humanitatis“ iz Zenice kao implementatoru projekta „Izgradnja zgrade Dnevnog centra za djecu i odrasle osobe sa posebnim potrebama u Visokom“ u iznosu od 30.000,00 KM (slovima: tridesethiljada konvertibilnih maraka), kao dio učešća Zeničko-dobojskog kantona u implementaciji ovog projekta, na koji je Vlada Kantona dala saglasnost Zaključkom broj: 02-23-17799/11 od 28.06.2011. godine.

Član 2.

(Analitička konta)

(1) Sredstva iz člana 1. ove odluke isplatit će se iz sredstava utvrđenih Odlukom o privremenom finansiranju Zeničko-dobojskog kantona za period januar-mart 2012. godine („Službene novine Zeničko-dobojskog kantona“ broj 17/11), razdjel 20, budžetska organizacija 01, potrošačka jedinica 0001, ekonomski kod 615100, pozicija «Kapitalni grantovi općinama».

(2) Sredstva iz člana 1. ove odluke će biti uplaćena na račun Udruženja broj: 1610550012510025 otvoren kod Raiffeisen banke Zenica sa rokom doznake do 31.03.2012. godine.

Član 3.

(Provođenje odluke)

Za realizaciju ove odluke zadužuje se Ministarstvo za rad, socijalnu politiku i izbjeglice i Ministarstvo finansija, svako u domenu svojih nadležnosti.

Član 4.

(Izvještavanje)

Zadužuje se Udruženje „Humanost-societas humanitatis“ da će Ministarstvu za rad, socijalnu politiku i izbjeglice podnijeti ukupan izvještaj o utrošku doznačenih sredstava.

Član 5.

(Stupanje na snagu)

Odluka stupa na snagu danom donošenja i biti će objavljena u „Službenim novinama Zeničko-dobojskog kantona“.

Broj: 02-_____/12.

Datum, 01.02.2012. godine

Z e n i c a

PREMIJER

mr.sci.Fikret Plevljak dipl.ing.

DOSTAVLJENO:

1x Ministarstvo za rad, socijalnu politiku i izbjeglice,

1x Ministarstvo finansija,

1x Udruženje „Humanost-societas humanitatis“ Zenica (putem ministarstva),

1x „Službene novine Zeničko-dobojskog kantona“,

1x a/a.